

Torgaus bieras

Rėčkos arkli pasėkinkė
I sava vežėma–brėka,
Terbuo pupu prėsėrinkės
I miestielė braukė.
Vo tèn juomarks begalinis,
Vėitas sau nerasi,
Torgaus smuoka nepažėnės –
Nieka nesoprasi.
Toštė vėita pasėrinkės,
Kor krūmelė žielė,
Sava arkli ėšsėkinkės
Pupuom pašierė.
Pats i torgo nokolniava
Svieta paveizietė,
Tèn ėšgertė alaus gava
Pėlvou papenietė.
Torgaus dėina ta išfėsa,
Akis vuos bemata,
Privežėma ka sogrėža,
Arklė neberada.
Rėčkos pats vežėma tėmpė,
Laukė nepalėkės,
Ėlga, kėitā kopra lėnkė,
Prakaito pakvėpės.
Nu tuo čiesā Rėčkos žėna
Pamuoka ėšėjė,
Ka nerektom tėmptė vežėma –
Raituom juodiniejė.